

SCRIPT OF EVENING GOJRI NEWS BULLETIN 05 NOV 1700 HRS

ایونینگ گو جری نیوز بلیٹن مو رخہ 5 نومبر 2025

یوہ آکا شوانی جموں ہے جاوید اقبال تے نصرت چوہدری تیں خبر سُنو۔

HEADLINES

۱۔ لیفٹیننٹ گورنر منوج سنہا نے کہیو جموں کشمیر گو امن قربانیاں تے آپسی گل بات تیں قائم ہے۔

۲۔ کشتواڑ ماٹھ دہشت گرداں تے فوج غے بشکار گولی باری جاری ہے تے پونچھ ماٹھ فوج نے تلاشی کاروائی شروع کی۔

۳۔ شری گرونانک دیو جی گا 556 واں جنم تہاڑا نانہ لوکاں نے عقیدت تے احترام سنگ منایو۔

۴۔ وزیر مملکت ڈاکٹر جتندر سنگھ نے دسیو کہ 25 لکھ تیں متہ لوکاں نے چہراں تیں شناخت کر غے اپنا ڈیجیٹل لائیف سرٹیفکیٹ بنایا ہیں۔

۵۔ بالی ووڈ اداکار سنیل شیٹی نے لوکاں تیں کہیو کہ 9 نومبر نانہ جموں ماٹھ ہون آلا بی ایس ایف میراتھن 2025 ماٹھ حصو لیں۔

LG PEACE

لیفٹیننٹ گورنر منوج سنہا نے اج کہیو ہے جے جموں کشمیر گا امن و ترقی غو نوو سفر بے شمار افراد غی قربانیاں تے بھارت غا سنتاں غی لازوال حکمت ور قائم ہے جنہاں نے یوہ سکھایو ہے جے حقیقی امن دوستی تے ہمدردی غو دارو مدار گل بات ور وے بین العقوامی سمپوزیم ور خطاب کرتا واں ایل جی موصوف نے کہیو ہے امن اُس جگہ تیں شروع وے جت لوک وقار گل بات تے آپسی احترام سنگ رہنو سکھیں اُنہاں نے کہیو ہے امن لوک تے امکانات غو موضوع جموں کشمیر گا مستقبل واسطے اک سوچیا سمجھیا منصوبہ بندی غی عکاسی کرے تے ڈل جھیل غی آواز تے چناراں غی سرگوشی مل غے امن ور اثر اندازویں گی اُنہاں نے مزید کہیو ہے امن غو مطلب ہے جے ہر فرد آزاد نہ طورور اپنی مرضی نال بغیر کسے خوف تے نقصان گے زندگی بسر کرے سخت محنت تے مل جُل گے ترقی گے زریعے امن نے لوکاں تیں تعاون مہربانی تے بھائی چارہ گی قدراں نانہ برقرار رکھن گی اپیل کی ہے اُنہاں نے کہیو ہے اج وی کُج لوک پاکستان غا حمایت یافتہ دہشت گرداں گی زبان بولیں ایسا عناصر کی نشاندہی ہونی چاہیے تے ملک گا لوکاں غی نظر جموں کشمیر ور ہے۔

ENCOUNTERS

اج ضلع کشتواڑ ماٹھ دہشت گرداں تے حفاظتی دستاں غے بشکار فائرنگ گو تبادلہ ہوو۔ افسراں غے مطابق یہ کاروائی خفیہ اطلاع غی بُنیاد ور جموں کشمیر پولیس غا تعاون تیں اج سویرے غے وقت شروع کی گئی تھی 16 وانٹ نائیٹ کور غا مستعد جواناں غو چھاترو غا علاقہ ماٹھ دہشت گرداں غے نال آمنو سامنو ہوو۔ فوج نے دسیو کہ آپریشن اجیں جاری ہے۔ ذرائع غے مطابق اُت 2 تے 3 دہشت گرداں غی موجودگی غی اطلاع ہے تے ایک جوان نانہ معمولی چوٹ آئی ہے دوجے پاسے پونچھ

ضلع گا سرحدی علاقہ مانہ مشکوہ نقل و حرکت غی اطلاع ملن تیں بعد فوج۔
سی آر پی ایف تے ایس اوجی نے تلاشی مہم شروع کی جوانا نانہ ہائی الرٹ ور
رکھیو گیوہے تے مقامی لوکاں تیں اپیل کی گئی ہے کہ کسی وی مشکوہ حرکت
غی اطلاع فوراً دیں۔

GURUPURAB

گورو نانک جیانتی جس نانہ گروپورب وی کہیو جے اج پورا ضلع تے جموں کشمیر
مانہ مٹیو جاربوہے جہیڑو گروواں مانہ پہل اتے سنگھ مزیب غا بانہی گرو نانک
دیوگی 556 وی یوم پیدائش غا موقعہ ور مٹیو جاربوہے اج ملک گا متہ حصاں
مانہ اس تہاڑا غا موقعہ ور عام چھٹی اے خاص طور ور سکھ تے ہندو آبادی آلی
ریاستاں مانہ اس سلسلہ مانہ جموں مانہ مرکزی تقریبات بی بی چند کور گرو دوارہ
مانہ منعقد کی جے گی جس کی شروعات ناگر کرتن تیں وے تے اس تیں بعد اکھنڈ
پاتھ کیو جائے اس تہاڑے عقیدت منداں نانہ لنگر وی پیش کی وجے اس موقعہ
ور لیفتیننٹ گورنر منوج سنہا تے وزیر اعلیٰ عمر عبداللہ نے گرونانک دیو جی گا
پرکاش اُتسو کا مسرت موقعہ ور لوکاں نانہ مبارک باد پیش کی ہے تے زور پایو جے
وے گرو غی تعلیمات ور عمل کریں ہندو مزیب گی کنیں برادریاں نے اج جموں بھر مانہ
گل دیوتا گل دیوی غا سالانہ اجتماع نانہ اپنا اپنا دیوستان ور منعقد کیو اس
موقعہ ور خاص طور ور نواں شادی شدہ خوشحالی کی دعا منگیں لیفتیننٹ گورنر منوج
سنہا تے وزیر اعلیٰ عمر عبداللہ نے گورو نانک دیو جی غا پرکاش پرو گا مسرت
موقعہ ور لوکاں نانہ مبارک باد پیش کی ہے تے لوکاں ور زور پایوہے جے وے گورو
غی تعلیمات ور عمل کریں۔

BIHAR

بہار مانہ اسمبلی انتخابات غا پہلا مرحلہ واسطے تمام انتظامات مکمل کرلیا گیا ہیں
اس مرحلہ مانہ 18 ضلعان ور مشتمل 121 حلقان ور ووٹ کھلیا جنیں گا اس مرحلہ
مانہ 1314 امیدوار غی قسمیت غو فیصلو وے گو اس مرحلہ مانہ 3 کروڑ 75 لکھ تیں
مٹا ووٹر اپنا حق رائے دہی غو استعمال کریں گا دوجا تے آخری مرحلہ گا ووٹ 11 نومبر
نانہ کھلیا جنیں گا اس سلسلہ مانہ ووٹان غی گنتی اس مہینہ غی 14 تاریخ نانہ وے
غی۔

UNIVERSITY RANKING

عالمی یونیورسٹی رینکنگ 2026 مانہ انڈین انسٹیٹیوٹ آف ٹیکنالوجی دہلی نے QS
ملک پھر غی یونیورسٹی مانہ اگے بدهتاقا 123 ویں مقام حاصل کیو مجموعی
طورور بھارت غی کارکردگی اچھی رہی کیونجے 54 ادارہ عالمی فہرست مانہ شامل
ہوا جس تیں بھارت دنیا گو چوتھو سب تیں برو نمائندگی کرن آلو ملک بن گیو آئی
آئی ٹی دہلی تے آئی آئی ٹی بوبھے 129 واں مقام ور آئی آئی ٹی مدراس 180 واں م
نمبر ور آئی آئی ٹی کھرگپور 215 واں نمبر ور تے دیگر اعلیٰ اداراں مانہ انڈین
انسٹیٹیوٹ آف سائنس بنگلورور 219 واں نمبر ور آئی آئی ٹی کانپور 222 نمبر ور جد کہ
دہلی یونیورسٹی وی ٹاپ 350 مانہ شامل ہے۔

JITENDRA SINGH DIGITAL LIFE CERTIFICATE

عملہ، عوامی شکایت سے پنشن غا وزیر مملکت ڈاکٹر جتندر سنگھ نے اج کہیو کہ 25 لکھ تیں زیادہ لوکاں نے چہرہ غی شناخت غے ذریعے اپنا ڈیجیٹل لائف سرٹفکیٹ ملک گیر ڈیجیٹل لائف سرٹفکیٹ مہم غا th بنوایا ہیں ڈاکٹر سنگھ نے نوی دہلی مانہ 4 آغاز ور خطاب کر رہیا تھا اُنہاں نے دسیو کہ یاہ مہم اس مہینہ غی آخر توڑی جاری رے غی وزیر نے اس موقع ور مہم تیں متعلق ایک کتاب چہ تے ایک مختصر فلم وی جاری کی۔

BSF SUNIEL SHEETY

بالی وڈ کی نامور شخصیت صحت مند طرز زندگی غا شوقین سنیل شیٹی نے ملک بھر غا بھارتیہ تیں اک دلی اپیل جاری کی ہے جے ویں جموں بھارتیہ سلامتی دستا میراتھن 2025 غا افتتاح مقابلہ مانہ حصو لیں یوہ میراتھن مقابلو 9 نومبر اتاریں منعقد وے گو یاہ دوڑ صحت مند تندرستی کا جذبہ نانہ برقرار رکھن واسطے اک غیر منقولہ جشن واسطے منعقد کی جے گی اس سلسلہ مانہ بی ایس ایف 7 تے 8 نومبر نانہ تیں پہلا اک نمائش شہید ویردیو سٹیڈیم بی ایس ایف پلوڑہ جموں منعقد کر رہی ہے اس میراتھن غو مقصد شاندار تقریب تیں پہلا معروف صحت مند طرز زندگی غا شراکتداران نانہ اکٹھو کرنو ہے اس تقریب مانہ درج شدہ شرکاء مانہ ٹی شٹ تقسیم ویں گی۔

WEATHER

جموں کشمیر غا پہاڑی علاقہ مانہ بشمول گلبرگ تے سونامرگ مانہ گئی رات برف باری ہوئی ہے جد کہ مرکز زیر انتظام علاقہ گا دوجا حساں مانہ بارش ہوئی ہے ، کشمیر ، کشتواڑ، پونچھ غا اوچا علاقان مانہ ہلکی برف باری ہوئی جد کہ سرینگر جموں تے مرکز زیر انتظام گا دوجا علاقان مانہ شام توڑی بارش رئی جس نال خطہ گا درجہ حرارت مانہ نمایا کمی دیکھی گئی۔ محکمہ موسمیات غا دائریکٹر ڈاکٹر مختار احمد نے کہیو ہے جے 5 نومبر نانہ موسم عام طورور ابر آلود وے غو جد کہ کشمیر صوبہ غا کئی علاقان تے جموں صوبہ مانہ بارش تے برف باری ہون گا امکان ہیں اُنہاں نے مزید کہیو ہے جے 6 نومبر تیں 15 نومبر توڑی موسم اک بار فر خشک رے غو۔

MUGHAL ROAD

گزشتہ تہاڑے ہون آلی برف باری تیں بعد پیر کی گلی غا رستہ مغل سڑک نانہ احتیاطی عارضی طورور بند کردتو گیو ہے ٹریفک حکام نے دسیو ہے جے کشمیر گا شوپیان نانہ جموں گا راجوری ضلع سنگ جوڑن آلی مغل سڑک برف باری تیں بعد عارضی طورور بند کردتی گئی ہے لوکاں نانہ مشورو دتو گیو ہے جے مغل سڑک ور اس ولے تک سفر کرن تیں گریز کریں جد توڑی سڑک قابل گزرنی ہو جاتی۔

ICC

بین العوامی کرکٹ کونسل نے پاکستان گا تیز گیند بالر ہریس روف ور 2 میچاں مانہ پابندی لادتی ہے یہ کاروائی ایشیاء کپ 2025 غا آخری مقابلہ مانہ بھارت غے

خلاف میچ غے دوران ضابطہ اخلاق غی خلاف ورزی ور کی گئی ہیرس روف ور
میچ فیس غو 30 فی صد جرمانو عائد کیو کیو بے تے 2 اضافی ڈیمیرٹ پائینٹ وی دتا
گیا ہیں۔ آئی سی سی غا اس فیصلہ تیں بعد ہیرس روف جنوبی افریقہ غے خلاف
پہلا 2 ونڈے غا مقابلہ نہیں کھیل سکیں غا۔
